



Broj: 01/12-02-1782/23
Datum: 21.06.2023. godine

PREDSTAVNIČKOM DOMU
PARLAMENTA FEDERACIJE BIH

Bosna i Hercegovina
Federacija Bosne i Hercegovine
**PARLAMENT FEDERACIJE
SARAJEVO**

Primijeno: 22-06-2023			
Org. jed.	Broj	Priloga	Vrijednost

Komisija za pitanja mladih Predstavničkog doma Parlamenta Federacije BiH (u daljnjem tekstu: Komisija) na 3. sjednici, održanoj 20.06.2023. godine razmatrala je sljedeći dnevni red:

1. Informacija o realizaciji zaključaka Komisije,
2. Usvajanje zapisnika 1. i 2. sjednice Komisije,
3. Odluke o davanju prethodne saglasnosti na Pravila ustanova za socijalno zbrinjavanje:
 - a) Odluka o davanju prethodne saglasnosti na pravila Ustanove za socijalno zbrinjavanje, odgoj i obrazovanje-Sarajevo,
 - b) Odluka o davanju prethodne saglasnosti na pravila Ustanove za socijalno zbrinjavanje i zdravstvenu njegu-Ljubuški,
 - c) Odluka o davanju prethodne saglasnosti na pravila Ustanove za socijalno zbrinjavanje i zdravstvenu njegu – Bakovići,
 - d) Odluka o davanju prethodne saglasnosti na pravila Ustanove za socijalno zbrinjavanje, zdravstvenu njegu, odgoj i obrazovanje- Pazarić,
 - e) Odluka o davanju prethodne saglasnosti na pravila Ustanove za socijalno zbrinjavanje i zdravstvenu njegu- Drin.
4. Godišnji izvještaj o rezultatima aktivnosti Institucije ombudsmena za ljudska prava Bosne i Hercegovine za 2022. godinu,
5. Tekuća pitanja.

Na osnovu člana 44. a u vezi sa članom 68. Poslovnika Predstavničkog doma Parlamenta Federacije Bosne i Hercegovine, Komisija Predstavničkom domu podnosi sljedeći:

IZVJEŠTAJ

Ad-1. Informacija o realizaciji zaključaka Komisije

Predsjednik Komisije informisao je članove da su zaključci Komisije doneseni na prethodnoj sjednici u toku realizacije. Zaključak koji se odnosi na formiranje radne grupe za izradu akcionog

plana za realizaciju zaključaka usvojenih na Tematskoj sjednici je u toku, čeka se da još neki dostave prijedlog imena za radnu grupu.

Ad-2. Usvajane zapisnika 1. i 2. sjednice Komisije

Zapisnici 1. i 2. sjednice Komisije jednoglasno su usvojeni bez primjedbi.

Ad - 3. Odluke o davanju prethodne saglasnosti na Pravila ustanova za socijalno zbrinjavanje:

- f) Odluka o davanju prethodne saglasnosti na pravila Ustanove za socijalno zbrinjavanje, odgoj i obrazovanje-Sarajevo,
- g) Odluka o davanju prethodne saglasnosti na pravila Ustanove za socijalno zbrinjavanje i zdravstvenu njegu-Ljubuški,
- h) Odluka o davanju prethodne saglasnosti na pravila Ustanove za socijalno zbrinjavanje i zdravstvenu njegu – Bakovići,
- i) Odluka o davanju prethodne saglasnosti na pravila Ustanove za socijalno zbrinjavanje, zdravstvenu njegu, odgoj i obrazovanje- Pazarić,
- j) Odluka o davanju prethodne saglasnosti na pravila Ustanove za socijalno zbrinjavanje i zdravstvenu njegu- Drin.

Predsjednik je dao uvodna obrazloženja, te je pozvao ovlaštenog predstavnika da članovima Komisije detaljnije obrazloži navedene Odluke. Članovima se obratila sekretarka Federalnog ministarstva rada i socijalne politike. U diskusiji koja je uslijedila članovi Komisije postavili su nekoliko pitanja a odgovore na iste dale su sekretarka ministarstva, kao i Jasminka Džumhur ispred Institucije ombudsmena za ljudska prava BiH. Nakon sveobuhvatne diskusije članovi Komisije primili su k znanju i jednoglasno podržavaju navedene Odluke.

Ad-4. Godišnji izvještaj o rezultatima aktivnosti Institucije ombudsmena za ljudska prava Bosne i Hercegovine za 2022. godinu

Članovima Komisije obratila se Jasminka Džumhur ispred Institucije ombudsmena za ljudska prava u BiH te detaljno obrazložila Godišnji izvještaj za 2022. godinu. Nakon sveobuhvatne diskusije, članovi Komisije prihvataju navedeni Izvještaj uz posebnu pohvalu na detaljnim analizama kao i preporukama za unapređenje stanja ljudskih prava u Bosni i Hercegovini, to se posebno odnosi na preporuku da se u ustanovama za socijalno zbrinjavanje i skrb ne mogu istovremeno nalaziti djeca i odrasli. Također, Komisija za pitanja mladih ističe da bi se finansiranje Ustanova za socijalno zbrinjavanje i njegu moralo odvijati kroz budžet, a ne finansiranje kroz grantove što bi uveliko unaprijedilo kvalitet uslova i rada u istim.

Ad- 5. Tekuća pitanja

U sklopu ove tačke dnevnog reda predsjednik Komisije informisao je članove o održanom sastanku sa Vijećem mladih FBiH, te o zahtjevu Instituta za razvoj mladih KULT o zakazivanju i održavanju evaulacijskog upitnika o dosadašnjoj saradnji. Dogovoreno je da se termin za održavanje odredi u prvoj sedmici jula tekuće godine. Također, predsjednik je istakao da će biti nastavljene aktivnosti koje su dogovorene na nedavno održanoj radionici sa Odborom za ekonomsku i finansijsku politiku, a uz podršku i u organizaciji Westminster fondacije za demokratiju. U narednom periodu od strane ova dva radna tijela i WFD-a biće inicirani radni sastanci sa ministrima nadležnih ministarstava sa posebnim fokusom na četiri ključna zakona:

- Zakon o studentskom radu,
- Zakon o digitalnim nomadima,
- Zakon o društvenom poduzetništvu i
- Uvođenje kategorije samozapošljavanja

kao i zajednički rad i moguće amandmansko djelovanje na zakonima s ciljem uvođenja poreskih olakšica za prvo radno iskustvo što bi stvorilo bolje prilike mladima, te bi značajno doprinijelo bržem i većem zapošljavanju mladih i njihov ostanak u državi.

U skladu sa članom 53. Poslovnika Predstavničkog doma za izvjestioca je određen Eldar Čomor, predsjednik Komisije.

PREDSJEDNIK KOMISIJE
Eldar Čomor, s.r.